




Broj: 07-06-25-11221/16
Sarajevo, 25.10.2016. godine.

Kanton Sarajevo - Ministarstvo privrede rješavajući po zahtjevu investitora "HIFA-OIL" d.o.o. Tešanj, za izdavanje vodne dozvole za snabdijevanje vodom i ispuštanje sanitarno-fekalnih voda iz izgrađene benzinskog terminala sa pratećim sadržajima, koja se nalazi u Vogošći u Industrijskoj zoni "Pretis", na osnovu člana 115., a u vezi sa članom 139. stav.2. Zakona o vodama ("Službene novine Federacije BiH", broj: 70/06), te člana 17. stav 2. tačka 1 i 2. Pravilnika o sadržaju, obliku, uvjetima, načinu izdavanja i čuvanja vodnih akata ("Službene novine Federacije BiH", broj: 31/15) i člana 200. stav 1. Zakona o upravnom postupku ("Službene novine Federacije BiH", broj: 2/98 i 48/99), d o n o s i:


R J E Š E N J E

1. Daje se **vodna dozvola** "HIFA-OIL" d.o.o. Tešanj, za snabdijevanje vodom i ispuštanje sanitarno-fekalnih voda iz izgrađenog benzinskog terminala, sa pratećim sadržajima, koji se nalazi u Vogošći u Industrijskoj zoni "Pretis", na zemljištu označenom kao k.č. broj: 2751/55 K.O. Vogošća po novom premjeru, što odgovara k.č. broj: 1064/5, K.O. Grnja Vogošća po starom premjeru.
2. Vodna dozvola daje se na osnovu izvršenog uviđaja na licu mjesta i dostavljene i pregledane investiciono-tehničke dokumentacije:
 - Rješenja-odobrenja za upotrebu broj: 05-23-2667/16 od 16.08.2016. godine, koju je izdala Služba za urbanizam i prostorno uređenje, općine Vogošća;
 - Rješenja o vodnoj dozvoli broj: UP-I-25-3-40-505-3/16 od 29.09.2016. godine, koju je izdala Agencija za vodno područje rijeke Save, a odnosi se na skladištenje i promet opasnih materija i ispuštanje tehnoloških otpadnih voda iz objekta benzinskog terminala;
 - Zapisnika broj: UP-I-25-3-40-505-2/16 od 27.09.2016. godine, koju je izdala Agencija za vodno područje rijeke Save;
 - Zapisnika broj:07-06-25-11221/16 od 20.10.2016. godine o izvršenom uviđaju na lici mjesta,kojeg je sačinila Stručna komisija ovog Ministarstva;
 - Zbirnog izvještaja Komisije koja je vršila tehnički prijem objekta, a koju je rješenjem broj:05-23-2667/16 od 28.06.2016. godine formirala Služba za urbanizam i prostorno uređenje, općine Vogošća;
 - Projekta izvedenog stanja za benzinski terminal,koji je izradio "Arhitektonski studio Zakomac" d.o.o Sarajevo;
 - Ugovora o isporuci pitke vode broj:50-07/16 od 21.07.2016. godine,zaključen između "Bags-Energetika" d.d Vogošća i "HIFA-OIL" d.o.o Tešanj;
 - Načelen saglasnosti za priključak na vodovodnu i kanizacionu mrežu u vlasništvu "Bags-Energetika" d.d Vogošća broj:519-06/16 od 27.06.2016. godine.



web: <http://mp.ks.gov.ba>
e-mail: mp@mp.ks.gov.ba
Tel: + 387 (0) 33 562-121, + 387 (0) 33 562-122
Fax: + 387 (0) 33 562-226
Sarajevo, Reisa Džemaludina Čauševića 1





Vodna dozvola se daje pod sljedećim uslovima:

- 2.1. Da se upotreba, iskorištavanje i održavanje vodnih objekata vrši u svemu sa izrađenom investiciono-tehničkom dokumentacijom i drugom dokumentacijom, koja je služila za izdavanje građevinske, upotrebne i vodnih dozvola;
 - 2.2. Da se predmetni sadržaji uz benzinski terminal snabdijevaju vodom iz vodovodne mreže, kojom upravlja "Bags-Energetika" d.d Vogošća, da se vrši mjerenje preuzete vode preko ugrađenih vodomjernih garnitura, te da se redovno izmiruju obaveze prema zaključenom ugovoru za isporučenu vodu;
 - 2.3. Da se sanitarno-fekalne vode ispuštaju u kanalizacionu mrežu u sklopu industrijske zone, kojom upravlja "Bags-Energetika" d.d Vogošća, a koja se ispušta izvan industrijske zone u javnu kanalizacionu mrežu kojom upravlja KJKP "Vodovod i Kanalizacija" d.o.o Sarajevo;
 - 2.4. Da se tehnološke otpadne vode prikupljaju, prečišćavaju i ispuštaju kako je to propisano u vodnoj dozvoli broj: UP-I-25-3-40-505-3/16 od 29.09.2016. godine, koju je izdala Agencija za vodno područje rijeke Save, a odnosi se na skladištenje i promet opasnih materija i ispuštanje tehnoloških otpadnih voda iz objekta benzinske pumpe;
 - 2.5. Da korisnik objekta vrši redovno plaćanje općih i posebnih vodnih naknada definiranih „Pravilnikom o načinu obračunavanja, postupku i rokovima za obračunavanje, plaćanje i kontrolu izmirivanja obaveza na osnovu opšte vodne naknade i posebnih vodnih naknada (Sl.novine Federacije BiH” broj: 92/07);
 - 2.6. Da se redovno održava izgrađena hidrantska mreža, kako bi bila u funkciji;
 - 2.7. Da se u slučaju šteta nastalih upotrebom i iskorištavanjem predmetnog objekta, uzroci štete otklone i nastala šteta nadoknadi trećim licima;
 - 2.8. Da prečišćena voda iz separatora prije ispuštanja u javnu kanalizacionu mrežu zadovoljava uslove propisane „Uredbom o uslovima ispuštanja otpadnih voda u okoliš i sisteme javne kanalizacije” („Sl.novine Federacije BiH” broj: 101/15 i 1/16);
 - 2.9. Da se prava po ovoj vodnoj dozvoli ne mogu prenositi na druga lica bez prethodne saglasnosti ovog Ministarstva.
3. Ova vodna dozvola, shodno članu 117. stav 1. Zakona o vodama (“Službene novine Federacije BiH”, broj: 70/06), izdaje se na ograničeno vrijeme u trajanju od 5 (pet) godina, računajući od dana donošenja ovog rješenja. Vlasnik objekta je dužan da prije isteka ovog roka podnese ovom ministarstvu zahtjev za izdavanje nove vodne dozvole za predmetni objekat.

O b r a z l o ž e n j e

Investitor "HIFA-OIL" d.o.o Tešanj, zatražio je vodnu dozvolu za snabdijevanje vodom i ispuštanje sanitarno-fekalnih voda iz izgrađenog benzinskog terminala, sa pratećim sadržajima, koji se nalazi u Vogošći u Industrijskoj zoni "Pretis", na zemljištu označenom kao k.č. broj: 2751/55 K.O. Vogošća po novom premjeru, što odgovara k.č. broj: 1064/5, K.O. Grnja Vogošća po starom premjeru..

U postupku koji je prethodio donošenju ovog rješenja, utvrđeno je uvidom u dostavljenu dokumentaciju i uviđajem na licu mjesta da je benzinski terminal u upotrebi. Također je utvrđeno da posjeduje upotrebnu dozvolu izdatu od općine Vogošća i vodnu dozvolu za tehnološke otpadne vode izdatu od Agencije za vodno područje rijeke Save.



web: <http://mp.ks.gov.ba>

e-mail: mp@mp.ks.gov.ba;

Tel: + 387 (0) 33 562-121, + 387 (0) 33 562-122

Fax: + 387 (0) 33 562-226

Sarajevo, Reisa Džemaludina Čauševića 1



Snabdijevanje vodom predmetnog objekta se vrši shodno ugovoru iz preduzeća "Bags-Energetika" d.d Vogošća, a sanitarno-fekalne vode se ispuštaju u postojeću kanalizacionu mrežu u sklopu Industrijske zone, koja je izvan zone spojena na javnu kanalizacionu mrežu.

Neophodno je redovno održavati vodovodnu, hidrantsku i kanalizacionu mrežu, separator i drugi opremu, a vodovodna mreža mora imati dovoljan pritisak i proticaj da zadovolji potrebe objekta. Sve aktivnosti koje se odnose na vodovodnu i kanalizacionu mrežu izvan objekta koordinirati sa nadležnim operatorom.

Potrebno je da se korisnik pridržava uslova iz vodne dozvole broj: UP-I-25-3-40-505-3/16 od 29.09.2016. godine, koju je izdala Agencija za vodno područje rijeke Save, a odnosi se na skladištenje i promet opasnih materija i ispuštanje tehnoloških otpadnih voda iz objekta benzinskog terminala. Prečišćena voda iz separatora treba zadovoljiti kriterije propisane „Uredbom o uslovima ispuštanja otpadnih voda u okoliš i sisteme javne kanalizacije“ („Sl. novine Federacije BiH“ broj: 101/15 i 1/16).

Za aktivnosti za koje je nadležna Agencija za vodno područje rijeke Save, investitor je pribavio vodnu dozvolu. Vodnom dozvolom koju je izdala nadležna Agencija, definirani su i drugi uslovi koji zajedno sa uslovima iz ove vodne dozvole čine jednu cjelinu. Svi postavljeni uslovi moraju se u potpunosti ispoštovati, kako bi se predmetni objekat koristio u skladu sa datim uslovima i pravilima struke.

Na temelju navedenog i ispunjenja uslova i odredbi iz članova 115. 116. i 117. Zakona o vodama ("Službene novine Federacije BiH", broj: 70/06) i člana 21. i 22. Pravilnika o sadržaju, obliku, uvjetima, načinu izdavanja i čuvanja vodnih akata ("Službene novine Federacije BiH", broj: 6/08) doneseno je rješenje kao u dispozitivu. Na osnovu pregledane dokumentacije i uvida na licu mjesta vodna dozvola daje se na period od 5 (pet) godina.

Taksa iz člana 5. tarifni broj 19 a, Zakona o administrativnim taksama ("Službene novine Kantona Sarajevo", broj 31/01-Prečišćeni tekst 22/02, 10/05, 26/08 i 23/16), u iznosu od 35 KM uplaćena je, na račun broj: 3380002210019263, vrsta prihoda 722121.

Pouka o pravnom lijeku: Protiv ovog rješenja dozvoljena je žalba Federalnom ministarstvu poljoprivrede, vodoprivrede i šumarstva u roku od 8 (osam) dana od dana prijema rješenja.

Žalba se predaje putem ovog Ministarstva i taksira se sa 15 KM federalne administrativne takse, na osnovu člana 14. tačka 1. i 2. po tarifnom broju 3. Zakona o federalnim upravnim taksama i tarifi federalnih upravnih taksi („Službene novine Federacije BiH" broj 6/98, 8/00, 45/10 i 43/13).

Dostavljeno:

- "HIFA-OIL" d.o.o Tešanj,
ul. Krndija bb,
- "Agencija za vodno područje rijeke Save"
Sarajevo ul. Hamdije Čemerlića br.39A,
- Vodna inspekcija Kantona Sarajevo,
- Vodna knjiga,
- a/a



MINISTAR

Dr Muharem Šabić



web: <http://mp.ks.gov.ba>

e-mail: mp@mp.ks.gov.ba;

Tel: + 387 (0) 33 562-121, + 387 (0) 33 562-122

Fax: + 387 (0) 33 562-226

Sarajevo, Reisa Džemaludina Čauševića 1

